

PUTOVANJE U ISTANBUL 7 dana- 4 noćenja / autobusom



PROGRAM PUTOVANJA:

1.DAN - SARAJEVO - ISTANBUL

Sastanak putnika - Sarajevo 07:45h ispred Zemaljskog Muzeja.

Vožnja za Istanbul preko Srbije i Bugarske uz povremene pauze u zavisnosti od potrebe grupe.

2. DAN - ISTANBUL

Dolazak u Istanbul prije podne. Smještaj u hotel. Slobodno vrijeme za individualne aktivnosti ili fakultativni obilazak Sulejmanije. Ova veličanstvena građevina je djelo najpoznatijeg arhitekta iz Osmanlijskog doba, mimara Sinana. Sagrađena je po naredbi sultana Sulejmana Veličanstvenog. U dvorištu džamije se nalazi turbe Sulejmana Veličanstvenog, kao i njegove žene Hurem Sultan. Nakon obilaska, slobodno vrijeme. Noćenje.

3. DAN - ISTANBUL – OBILAZAK AZIJSKOG DIJELA ISTANBULA

Doručak u hotelu. U jatarnjim satima, kreće se na fakultativni obilazak azijskog dijela Istanbula. Prolazi se poznatim bulevarima pored Bosfora prelazeći preko bosforskog mosta. Stiže se do najvišeg dijela Istanbula, poznate novosagrađene istanbulske džamije (Čamlidža). Nakon obilaska same džamije i pauze za fotografisanje i starog i evropskog dijela grada, autobusom se ide do jednog od najstarijih naselja Uskudar. Uz priču lokalnog vodiča, obilazi se obala Bosfora do Djevojačke kule. Pauza za kafu i fotografisanje. Nakon toga, autobusom se ide do luksuzne Bardarske ulice, koja je u isto vrijeme i najveća ulica u Istanbulu. Poslije obilaska i pauze, ide se u naselje Kadikoy – najstarije naselje u Istanbulu, a danas jedno od najmodernijih sa velikim brojem prodavnica, pijaca, restorana i kafeterija. Poslije pauze se autobusom ide u hotel (cjelodnevni izlet 09h – 17h). Slobodno vrijeme. Noćenje.

4. DAN – ISTANBUL - BOSFORSKA TURA

Doručak. Slobodno vrijeme ili mogućnost organizovanja fakultativnog izleta – krstarenje Bosforom između dva kontinenta (razgledanje grada sa Bosfora: Zlatni Rog – najljepši dio Istanbula, Galata most i Galata kula, Džamija Selimija, Dolmabahče palata – posljednje sjedište sultana, Beşiktaš, Ortakoj kvart, Rumeli hisar – čuvena vizantijska tvrđava, Jedi kule (sedam kula), Djevojačka kula...). Poslije krstarenja ide se u naselje Eyüp, za muslimane najsvetijeg mjesta u Istanbulu. Razgled džamije i slobodno vrijeme za kupovinu i ručak. Poslije toga, ide se do brežuljka Piere Lotti, mjesto poznatog francuskog pisca po čemu je vidikovac i dobio naziv (pješice). Slobodno vrijeme za odmor u legendarnoj starinskoj kafani iz koje se proteže prekrasan pogled na Zlatni rog i grad. U dogovoreno vrijeme povratak u hotel. Slobodno vrijeme za individualne aktivnosti.

U večernjim satima, fakultativni obilazak centra grada Taksim – Beyoglu – Galata kula. Taksim danas spada u moderni dio Istanbula. Obilazi se Istiklal ulica, (ulica Nezavisnosti) gdje se nalazi veliki broj modernih prodavnica svih svjetskih brendova, ali i sa velikom ponudom restorana i kafeterija. Stari tramvaj prolazi kroz ulicu cijelom njenom dužinom od trga Taksima prema Galata kuli. Istiklal ulica ima neke jedinstvene bočne ulice i male pasaže. Slobodno vrijeme za večeru i šetnju. Nakon toga, odlazi se do Galata kule – toranj sa kojeg se pruža veličanstven pogled na grad (individualna posjeta i ulaz), jedna od naupadljivijih građevina orijentalnog grada na Bosforu. Poslije pauze za fotografisanje, povratak u hotel. Noćenje.

5. DAN – ISTANBUL - KLASIČNI OBILAZAK GRADA

Doručak. (Fakultativno) odlazak na pješačku turu i obilazak nekih od mnogobrojnih muzeja Istanbula. Rimski hipodrom, Topkapi palata, Aja Sofija, Plava džamija. Obilazak Plave džamije, jedne od tri najveće i najljepše džamije u islamskom svijetu Aja Sofije (nekada najveće pravoslavne crkve u svijetu (ulaz na galeriju se plaća). Dvorište Topkapi palate (prelijepa sultanska palata gdje je živjela većina osmanklijskih sultana sa riznicom dragulja, zlata i ostalih poklona koji su sultani dobijali (individualni ulazak u palatu). Rimski hipodrom (ogromni plato gdje se u vrijeme Starog Rima odražavale utrke dvokolica i četveroprega koji danas ukrašavaju Konstantinov i Egipatski obelisk), Zmijski stub. Slobodno vrijeme i povratak u hotel. Noćenje.

6. DAN ISTANBUL

Doručak. Odjava iz hotela i polazak prema Edirne – drugi glavni grad Osmanlijskog carstva sa čuvenom Selimiye džamijom, Arasta bazarom (shopping), spomenikom mimararu Sinanu, Eski džamijom i karavansarajima – prilika za završni shopping (posebno slatkiša). Nastavak putovanja od Edirna prema BiH uz kraća zadržavanja grupe radi odmora.

7. DAN BIH

Dolazak u ranim jutarnjim satima na odredišta. KRAJ PROGRAMA.

TERMINI:

11.05.-17.05.2024

25.05.-31.05.2024

15.06.-21.06.2024

29.06.-05.07.2024

CIJENA: 329,00 KM

CIJENA UKLJUČUJE:

- Prijevoz autobusom visoke turističke klase
- Smještaj u hotelu na bazi 4 noćenja sa doručkom
- Turistički vodič tokom putovanja i troškovi organizacije putovanja
- Posjeta Edirnama

CIJENA NE UKLJUČUJE:

- Putno zdravstveno osiguranje
 - Dodatno sjedište u autobusu 100 KM
 - Dopлата za jednokrevetnu sobu – na upit
 - Fakultativne izlete:
 - Obilazak Sulejmanije – 10 EUR
 - Obilazak Azijskog Dijela Istanbula – 30 EUR
 - Bosforska Tura - 25 EUR
 - Taksim i Galata Noću – 15 EUR
 - Klasični Obilazak Grada – 25 EUR
 - Tursko Veče – 35 EUR
- (Djeca do 5,99 gratis; 6 -11,99 plaćaju 50%)**

NAPOMENE:

Kalkulacija je rađena na bazi 40 osoba te u slučaju manjeg broja putnika agencija zadržava pravo promjene cijene ili otkaza putovanja.

Raspored obilazaka svih lokacija i objekata navedenih u programu ili od strane agencije predloženih opcionalno tj. fakultativno je podložan promjenama prema procjeni pratioca a zavise o radnim vremenima pojedinih lokacija ili objekata, o trenutnoj raspoloživosti pružaoca usluga na terenu te o vremenskim prilikama.

Za ovo putovanje važe [OPŠTI USLOVI PUTOVANJA PUTNIČKE BEX TRAVEL AGENCY D.O.O.](#), usklađeni sa UTA BIH Standardima. Uslove putovanja možete preuzeti na <https://bex.travel/wp-content/uploads/2023/11/Opsti-uslovi-putovanja.pdf>